



Broj: 11-16-4-935-14/25
Sarajevo, 28.07.2025. godine

Na osnovu Odluke o prodaji službenih motornih vozila MO BiH broj: 11-16-4-935-12/25 od 26.06.2025. godine, člana 12. Pravilnika o uslovima nabavke i načinu korištenja službenih vozila u institucijama Bosne i Hercegovine („Službeni glasnik BiH“, br. 34/23) i Instrukcije o načinu i pravilima sprovođenja javnog nadmetanja-licitacije za prodaju motornih vozila budžetskih korisnika institucija Bosne i Hercegovine, Ministarstva finansija i trezora Bosne i Hercegovine, broj: 08-02-2-4348/23 od 29.05.2023. godine, Ministarstvo odbrane Bosne i Hercegovine, objavljuje,

JAVNI OGLAS
za prodaju službenih motornih vozila MO Bosne i Hercegovine
(metodom zatvorenih pisanih ponuda)

1. PREDMET JAVNOG OGLASA

Predmet javnog oglasa je prodaja službenih motornih vozila (u daljem tekstu: vozila) Ministarstva odbrane Bosne i Hercegovine, prikupljanjem zatvorenih pisanih ponuda za izbor najpovoljnijeg ponuđača, kako slijedi:

Broj LOT-a	Marka i model vozila	Boja	Broj šasijske	Snaga motora (KW), zapremina motora (cm ³)	God. proizv.	Stanje vozila, pređeni km na dan 28.07.2024. godine	Trajanje registracije	Početna cijena (KM)
LOT 1	ŠKODA SUPERB-3T, M1-PUTNIČKO, AA-LIMUZINA	Crna	TMBAF43T1B9048301	125 KW 1968 cm ³	2011	Ispravno vozilo, ponekad gubi snagu u vuči, pređeni kilometri: 483697	Istekla registracija,	9.166,00
LOT 2	ŠKODA SUPERB-3T, M1-PUTNIČKO, AA-LIMUZINA	Crna	TMBAE43T3A9010005	103 KW 1968 cm ³	2009	Vozilo ispravno, pređeni kilometri: 288840	Registrovano do 15.08.2025. godine	7.544,00
LOT 3	ŠKODA OCTAVIA, M1 PUTNIČKO, 1Z, AA - LIMUZINA	Crna	TMBBE21Z67S150096	103 KW 1968 cm ³	2006	Vozilo ispravno, pređeni kilometri: 303853	Istekla registracija,	5.437,00

2. NAČIN JAVNE PRODAJE-LICITACIJE

Vozila koja su predmet javne prodaje-licitacije prodaju se pojedinačno (po LOT-ovima – svako vozilo je poseban LOT), ponuđaču koji je ponudio najvišu cijenu za svako pojedinačno vozilo.

3. PRAVO UČEŠĆA

- 3.1. Pravo učešća na prodaji/licitaciji imaju sva fizička i pravna lica koja izvrše uplatu kaucije u iznosu od 10 % vrijednosti početne cijene za pojedinačno vozilo za koje dostavljaju ponudu.
- 3.2. Uplata kaucije za učešće u postupku javne prodaje-licitacije za prodaju vozila vrši se uplatom na glavni račun Centralne banke Bosne i Hercegovine broj 0000030000000145. Prilikom uplate kaucije na predmetni račun uplatilac treba navesti sljedeće podatke koji se odnose na bankovni račun za uplatu sredstava:
 - Primalac: Ministarstvo finansija i trezora Bosne i Hercegovine;
 - Transkacijski račun: 0000030000000145;
 - Poziv na broj: 37111;
 - Svrha uplate: Uplata kaucije za javnu prodaju-licitaciju vozila u MO BiH.
- 3.3. Ukoliko jedan ponuđač kauciju uplaćuje za više LOT-ova, na uplatnici treba jasno naznačiti za koje LOT-ove je izvršio uplatu, te uplatiti iznos koji čini zbir početnih cijena pojedinih LOT-ova za koje dostavlja svoju ponudu.
- 3.4. Uplaćena kaucije učesnicima u postupku javne prodaje-licitacije čije ponude ne budu prihvaćene biće vraćena, odnosno uplaćena od strane M FiT, na transakcijski račun koji je dostavio učesnik postupka javne prodaje/licitacije, a na osnovu obavještenja koje će MO BiH dostaviti nakon okončanja prodaje/licitacije, dok će uplaćena kaucija najpovoljnijem ponuđaču biti vraćena nakon predočenja dokaza o izvršenoj uplati punog iznosa kupoprodajne cijene vozila.
- 3.5. Zaposlenici Ministarstva odbrane i Oružanih snaga Bosne i Hercegovine i članovi njihove uže porodice nemaju pravo učešća u postupku javne prodaje-licitacije.

4. PREGLED MOTORNIH VOZILA

- 4.1. Motorna vozila mogu se pogledati na lokaciji Sarajevo, Ulica Hamdije Kreševljakovića 98, od 05.08.2025. godine do 14.08.2025. godine, u vremenu od 10,00 do 14,00 sati.
- 4.2. Kontakt lice za informacije o vozilima i pregled istih je **gospodin Mićo Radić, tel: 033/286-665.**

5. ROK I NAČIN DOSTAVLJANJA PONUDE

- 5.1. Rok za dostavljanje ponuda je 21.08. 2025. godine, do 11:00 sati, i dostavljaju se na protokol Ministarstva odbrane BiH (kancelarija br. 81), Ulica Hamdije Kreševljakovića 98, 71000 Sarajevo, lično ili putem preporučene pošte.
- 5.2. Nepotpune i ponude dostavljene nakon navedenog roka, bez obzira na način dostave neće se uzimati u razmatranje.
- 5.3. Ponuda se dostavlja na Obrascu za cijenu ponude, u zatvorenoj (neprovidnoj) koverti na kojoj treba na poleđini napisati ime i prezime (za fizičke osobe), naziv ponuđača (za pravne osobe), broj LOT-a za koji se dostavlja ponuda, sa naznakom „**Ponuda za prodaju motornih vozila putem javne prodaje/licitacije**“ - za LOT broj: ____, **NE OTVARATI**“.
- 5.4. Jedan ponuđač može dostaviti ponudu za jedan ili više LOT-ova, s tim da se za jedan LOT može dostaviti samo jedna ponuda.
- 5.5. U slučaju da ponuđač dostavlja ponude za više LOT-ova, ponuda za svaki LOT pakuje se u posebne koverta, koje se opet pakuju u zajedničku kovertu na kojoj će biti izričito napisano šta je sadržaj te koverta/paketa.
- 5.6. Obrazac za cijenu ponude ponuđači mogu preuzeti lično na Pisarnici Ministarstva odbrane BiH, ul. Hamdije Kreševljakovića 98, Sarajevo, ili na web stranici ministarstva www.mod.gov.ba.

- 5.7. Ponuđači mogu izmijeniti ili dopuniti svoje ponude samo prije isteka roka za dostavljanje ponuda. Izmjena i dopuna ponude se dostavlja na isti način kao i osnovna ponuda, sa obaveznom naznakom da se radi o izmjeni ili dopuni ponude.
- 5.8. Ponuđač može u roku iz tačke 5.7. odustati od svoje ponude, dostavljanjem prodavcu pisane izjave. Pisana izjava se dostavlja na isti način kao i ponuda, sa naznakom da se radi o odustajanju od ponude. U tom slučaju ponuda će biti vraćena ponuđaču neotvorena i ponuđač gubi pravo na povrat uplaćenu kauciju.

6. SADRŽAJ PONUDE

Ponuda treba da sadrži :

- 6.1. Popunjen Obrazac za cijenu ponude (cijenu iskazati isključivo u konvertibilnim markama).
- 6.2. Podaci o **fizičkoj osobi**: ime i prezime, ime jednog roditelja, adresa i broj telefona, broj tekućeg računa i ovjerena kopija identifikacionog dokumenta.
- 6.3. Podaci o **pravnoj osobi**: naziv pravne osobe, adresa i broj telefona, potpis ovlaštene osobe i pečat, ime i prezime osobe ovlaštene za zastupanje u postupku javne prodaje-licitacije, kopija rješenja o upisu u sudski registar ne starija od tri mjeseca ovjerena od strane nadležnog organa, broj poslovnog računa.
- 6.4. Ukoliko ponuđač (fizička ili pravna osoba) ponudu dostavlja za više LOT-ova, dovoljna je jedna ovjerena kopija identifikacionog dokumenta (za fizičke osobe) ili jedna ovjerena kopija rješenja o upisu u sudski registar (za pravne osobe) koju dostavlja u jednoj ponudi, prvoj po rednom broju LOT-a na koji se prijavljuje.
- 6.5. Dokaz o izvršenoj uplati kaucije.
- 6.6. Ponudu mora potpisati podnosilac ponude, a ukoliko je ponuđač pravna osoba, ista mora biti i ovjerena pečatom pravne osobe.
- 6.7. Prihvatljivom ponudom smatra se svaka ponuda koja sadrži podatke iz tačke 6.1. do 6.6.

7. KRITERIJ PRODAJE/LICITACIJE I IZBOR NAJPOVOLJNIJE PONUDE

- 7.1. Izbor najpovoljnijeg ponuđača, izvršiće se komisijski.
- 7.2. Otvaranje ponuda će se obavljati po LOT-ovima, a prema redoslijedu LOT-ova.
- 7.3. Ponude ispod prodajne početne cijene iz Priloga broj 1, neće biti uzete u razmatranje.
- 7.4. Najpovoljnijom ponudom smatraće se ponuda s najvišim ponuđenim iznosom za taj LOT.
- 7.5. Motorna vozila prodavaće se po principu „**viđeno-kupljeno**“, što isključuje sve naknadne reklamacije i prigovore kupca upućene prodavcu po pitanju kvaliteta ili eventualnih nedostataka.

8. POSTUPAK PRODAJE I OTVARANJE PONUDA

- 8.1. Otvaranje dostavljenih ponuda za prodaju/licitaciju vozila, održaće se u Sarajevu u zgradi MO BiH u Ulici Hamdije Kreševljakovića broj 98, dana 21. 08. 2025. godine sa početkom u 12,00 sati, uz prisustvo zainteresovanih ponuđača.
- 8.2. Otvaranju dostavljenih ponuda mogu prisustvovati ponuđači – fizička lica koja su dostavila ponudu za određeni LOT, uz identifikacioni dokument i dokaz o uplaćenju kauciji, odnosno lica ovlaštena za učešće na javnoj licitaciji za određeni LOT u ime pravnog lica uz pismeno ovlaštenje i dokaz o uplaćenju kauciji za određeni LOT.
- 8.3. Predsjednik komisije otvara prispjele ponude, čiji se sadržaj unosi u listu ponuđača koja sadrži: naziv ponuđača, redni broj ponude po prispjelosti, broj LOT-a iz specifikacije, ponuđeni iznos, prihvatljivost ponude.
- 8.4. Ponude koje ne sadrže elemente propisane u tački 6. neće se razmatrati u daljem postupku prodaje.

- 8.5. Komisija, nakon razmatranja liste ponuđača, utvrđuje najpovoljnije ponude za sve LOT-ove, o čemu usmeno obavještava prisutne ponuđače. Presjednik komisije proglašava pobjednike javne prodaje koji su dostavili prihvatljive ponude za određene LOT-ove.
- 8.6. Ako se na poziv za određeni LOT odazove samo jedan ponuđač sa prihvatljivom ponudom, komisija ga proglašava pobjednikom prodaje/licitacije.
- 8.7. U slučaju da dva ili više ponuđača u zatvorenim kovertama/omotnicama dostave ponudu s istim iznosom, koji je ujedno i najviši ponuđeni iznos, komisija će proglasiti pobjednikom ponuđača koji je ranije dostavio ponudu po vremenu i datumu prijemnog štembilja Ministarstva odbrane BiH.
- 8.8. O javnom otvaranju ponuda komisija će sačiniti zapisnik i utvrditi listu ponuđača koji su ponudili cijenu koja je jednaka ili veća iznad početne cijene i konstatovati koji su ponuđači ponudili najveću cijenu za pojedini LOT. Nakon proglašenja pobjednika za sredstva koja su predmet prodaje, komisija će Odluku o izboru najpovoljnijih ponuđača/Odluku o poništenju postupka sa pratećom dokumentacijom uputiti na javnu objavu na zvaničnoj web stranici Ministarstva odbrane BiH (www.mod.gov.ba), o čemu će sve ponuđače koji su dostavili ponude obavjestiti putem mail-a.
- 8.9. Odabrani ponuđač/i će pristupiti zaključenju ugovora u MO BiH u roku 7 (sedam) dana od dana prijema poziva za zaključenje, te istom će biti vraćen uplaćeni depozit/kaucija po dostavljanju dokaza o uplati fakturisanog iznosa, na način kao što je definisano u tački 9.1.
- 8.10. U slučaju izostanka zaključenja ugovora o kupoprodaji s odabranim ponuđačem shodno uslovima iz oglasa, ugovor o kupoprodaji zaključiće se sa sljedećim najpovoljnijim ponuđačem. U tom slučaju ponuđač koji je odustao od zaključenja ugovora gubi pravo na uplaćenu kauciju.

9. OBAVEZE KUPCA

- 9.1. Najpovoljniji ponuđač dužan je ugovorenu cijenu vozila uplatiti u roku od 7 (sedam) dana od dana zaključenja ugovora, a ukoliko to ne učini smatraće se da je odustao od kupovine i gubi pravo na povrat novca od uplaćene kaucije.
- 9.2. Na cijenu koja je dobijena nakon okončanja postupka licitacije obračunava se PDV (17%), koji ide na teret kupca.
- 9.3. Uplatu izvršiti na sljedeći način:
 - Primaoc: Ministarstvo finansija i trezora BiH,
 - Transakcijski račun: 5517902220404858,
 - Svrha uplate: Uplata po osnovu kupovine vozila-Škoda od MO BiH za LOT-____, vozilo, reg. oznaka _____ za Ministarstvo odbrane BiH,
 - Poziv na broj: 37111,
 - Vrsta prihoda: 811114,
 - Opština: 077,
 - Budžetska organizacija: 29010001
- 9.4. Sve poreze i ostale troškove snosi kupac.
- 9.5. Primopredaja motornih vozila izvršiće se uz predočenje ugovora o kupoprodaji i dokaza o uplati ugovorenog iznosa.


10. DODATNE INFORMACIJE

- 10.1. Sve informacije u vezi sa javnom prodajom/licitacijom mogu se dobiti svaki radni dan u vremenu od 10 do 12 sati, na broj tel. 033/257-902, kontakt lice **majord Safet Kurtić**, ili na broj: 033/286-665, kontakt lice **gospodin Mićo Radić**.

10.2. Ministarstvo odbrane Bosne i Hercegovine zadržava pravo da prihvati ili odbije ponude, obustavi ili poništi javnu prodaju-licitaciju vozila po ovom javnom oglasu u bilo kojoj fazi, sve do momenta uplate kupoprodajne cijene.

Prilog:

-Obrazac za ponudu.



MINISTAR

Zukan Helez

A handwritten signature in black ink, which appears to read "Zukan Helez".

OBRAZAC ZA CIJENU PUNUDE

Ponuda za kupovinu vozila LOT _____ (upisati broj LOT-a za koji ponuđač dostavlja ponudu)

Naziv pravne osobe (ukoliko je ponuđač pravna osoba) ili ime i prezime (ime jednog roditelja) ukoliko je ponuđač fizička osoba:

Tačna adresa: _____

Broj telefona: _____

Broj tekućeg računa (za fizičke osobe): _____

Broj poslovnog računa (za pravne osobe): _____

IZNOS PONUDE U KM: _____

Potpis: _____

MP.

(pečat za pravne osobe)

Uz Obrazac za cijenu ponude treba dostaviti:

- dokaz o izvršenoj uplati kaucije;
- ovjerenu kopiju identifikacionog dokumenta (za fizičke osobe);
- kopiju rješenja o upisu u sudski registar ne stariju od tri mjeseca ovjerenu od strane nadležnog organa (za pravne osobe).